

Edin Višća igra 250. utakmicu u dresu Basaksehira

Bosanskohercegovački fudbalski reprezentativac i član turskog prvoligaša Basaksehira Edin Višća već sedmu sezonu nastupa za ekipu "narandžastih" iz Istanbula. Basaksehir ove sedmice ide na gostovanje kod Trabzonspora, a u slučaju da Višća istrči na teren biće to njegova 250 utakmica u dresu ovog kluba.

Višća (27), koji je u sezoni 2011.-2012. iz sarajevskog Željezničara prešao u Basaksehir, iza sebe je ostavio sedam uspješnih sezona i zasigurno je jedan od ključnih igrača kada se govori o uspjehu Basaksehira, kluba koji je prije četiri godine pao u drugu ligu, a ove sezone se bori za prvaka Turske.

U ukupno 249 odigranih utakmica za Basaksehir, bh. reprezentativac je postigao 62 gola, od čega 45 u Super ligi, deset u 1. ligi Turske, pet golova u Evropa ligi, te dva gola u pretkolima Lige prvaka.

Višća je za Basaksehir odigrao 14 utakmica na evropskim takmičenjima i kada je riječ o evropskim utakmicama Višći pripada titula najboljeg strijelca sa sedam postignutih golova.

U Super ligi Višća je odigrao je 186 utakmica, a u najboljoj formi bio je u sezoni 2015.-2016., kada je postigao 17 golova, što je i rekord karijere.

Ono što je za "zmaja" još interesantno da za sedam sezona nije kažnjen crvenim kartonom. Osim što mu nikad anije pokazan crveni karton, o kakvom fudbaleru je riječ pokazuje i činjenica da u posljednjih sedam godina nije bio suspendovan zbog žutih kartona.

– Ovako izgleda statistika Višće nakon sedam sezona provedenih u Basaksehuru.

Takmičenja Utakmice Golovi

Super liga 186 45
1. Liga 34 10
Kup Turske 15 –
Liga prvaka(pretkola) 4 2
UEFA Europa liga 10 5

UKUPNO 249 62 (AA)

Date: 14-02-2018